

Corte a declara Natalee morto



ORANJESTAD – Cu e mayoran di Natalee Holloway presente y cu caranan serio, un Hues ayera a declara nan yiu morto, mas cu seis aña despues cu e hoben Mericano a disparce durante un biahe pa Aruba.

"Nos a bin ta carga su morto durante e ultimo seis añanan y mey," Dave

Holloway a bisa despues di e audiencia cortico. El a bisa cu e ordo di Hues ta cera un capitulo den un odisea largo, pero a agrega cu "ainda nos tin un caminda largo pa cana pa logra husticia."

Hues King a expresa su sentimento di pesar pa e famia na e ocasion aki.

Anteriormente Dave Holloway a bisa e Hues cu e kier stop pago riba seguro medico di Natalee y uza su 2 mil dollar di fondo di studio pa yiu e ruman chikito di Natalee.

Continuacion Pagina A2

Huez na Alabama ayera

A declara Natalee Holloway oficialmente morto

BIRMINGHAM, Ala. –Un huez ayera na Alabama (estado unda cu Natalee Holloway tabata biba) a declara Holloway morto oficialmente. Esaki apenas 24 ora despues cu Joran van der Sloot a declara su mes culpabel di un otro morto, Stephanie Flores na Peru e siman aki.

E hues a dicta a base di peticion di e propio tata di Holloway, esta Dave Holloway mientras cu e mama Beth Twitty a protesta e caso aki.

Algun tempo pasa (año pasa) e tata a entrega e peticion aki, 6 año despues cu su yiu muher a dis-

parce na Aruba, supuestamente na man di e unico sospechoso den e caso aki di Natalee Holloway. Ora cu e tata a haci tal acto, e mama mesora e protesta (nan ta divorcia) e hecho aki y a muestra cu e no ta di acuerdo cu esaki.

Pero aworaki ta obvio cu e tata a logra su meta y cu aworaki oficialmente su yiu muher ta declara morto.

No ta conoci kico exactamente esaki ta nifica y si den cualkier caso, e morto aki lo por tin effect riba un eventual polisa di seguro cu lo tabatin pa Holloway. Algo cu semper

tabata un asunto cu a keda papia ariba y cu por tabata un di e motibonan di e morto.

No ta conoci ainda kico e acto aki di ayera lo tin riba e caso na Aruba y con Ministerio Publico lo bai trata esaki. Por wel ta cu e no tin ningun efecto riba e caso (ainda den investigacion) of cu awor e caso por wordo sera oficialmente si no tin sentido pa sigui busca ya cu e victima oficialmente ta morto.

Of, cu awor e cargo y sospecho contra Joran vd Sloot ta haya un otro tinte y acusacion oficial. □

